

**Kernboodskap**

God kies anders as mense.

**Aanvangsaktiwiteit**

Kies twee 'leiers' en laat hulle beurte maak om maatjies een vir een vir hulle spanne te kies. Vra hulle dan hoe hulle besluit het om te kies.

**Skriflesing**

1 Samuel 16 *dieBybel@kinders* bl.306-307

**Wat kan ons hieruit leer?**

Net soos wat God in Dawid iets spesiaal raakgesien het, wat selfs sy pa nie eers geweet het nie, sien God ook in ons harte waarin ons goed is. Hy kies ons om sekere werke vir Hom te doen, en Hy kies ons nie oor hoe ons lyk nie, maar oor wat ons kan doen en wie ons kan wees!

God wil hê jy moet in Sy span wees. Hy het jou GEKIES, want Hy sien in jou hart dat jy 'n verskil kan maak! So deel God elke dag vir ons elkeen 'n kroon uit, want ons is sy kinders, en Hy maak ons deel van sy koninkrykspan.

As deel van hierdie span sal ons nie kyk hoe iemand lyk en daarvolgens besluit of hy goed of sleg is nie... Ons moet na mense kyk soos God na hulle kyk!

**Kom ons bid saam....**

Liewe Jesus, baie dankie dat U my gekies het. Ek wil graag in U span speel. Amen.

**Slotaktiwiteit**

Maak 'n kroon en sit dit op jou kop, want jy is 'n Koningskind! Teken by die huis 'n prentjie van jouself met jou kroon om volgende week vir jou maats te kom wys!

Riglyne vir die groepleier

Jy gaan die volgende benodig vir hierdie lesie!

- *dieBybel@kinders*
- Uitdraaikryte of inkleurpotlode
- Kroonpatrone op A4 kartonne gedruk
- Skêre
- Toutjies en rekkies



Koningskind!

Teken 'n spoggerige prentjie van jouself met jou kroon op om te onthou dat jy Jesus se Koningskind is!



aktiwiteit 12

tuis
opdrag

Vra dat Mamma en Pappa
vir jou Jona se storie
lees of vertel.